

Stadtarchiv Leutkirch

Ratsprotokoll 1625 (Inv.Nr.25)

pag.9 Zinßtag den 14. Januarij Ao: 1625.

Auff Georg Rauchen vnd seiner ehewürtin Catharina Reüterin, bitten Jnen fünff Viertel Spitallaib broth zukauffen geben Soll zuuor die brieff mit seinem Son Andreas Rauchen auffrichten vnd richtig machen Alß dann soll Jme gebürender beschaid eruolgen.

Ratsprotokoll 1632-1635 (Inv.Nr.30) vorderer Teil

pag.185 Zinßtag den 4. Octobris Ao. 1633.

Zu weiland Andreas Rauchen see: verlaßenschafft Abthailung zwischen seiner Wittib vnd Kindern sein deputirt Hanß Hainz StattAman vnd Melchior Hartmann Zunfftmaister sampt dem Stattschreiber.

Ratsprotokoll 1626 (Inv.Nr.26)

pag.156 Freitag den 13. Nouemb: Ao: 1626.

Georg Rauchen ist vff sein anhalten Bewilliget von seiner Dochter Anna Rauchin Georgen Nozen Sattlers Wittib wegen .100.fl. dergestalt widerfahren zulaßen, das er hingegen der wittib vnd Jren Kindern notwendige heerberg einräumen vnd gestatten solle, Wauer er aber sie weiter nit bei Jme haben vnd austreiben wolte, sie die wittib außzuziehen nit schuldig sein solle, biß er Rauch Jr zuuor Jre .100.fl. an Barem gelt wider bezahlt vnd zustellt. (Eintrag ist durchgestrichen)

(dagegen abgeänderter Eintrag v.15.12.1626 pag.170)

pag.170 Zinßtag den 15. Decemb: Ao: 1626 ./.

Georg Rauchen ist vff sein Anhalten Bewilliget, von seiner Dochter Anna Rauchin Georgen Nozen Sattlers Wittib wegen .100.fl. dergestalt widerfahren zulaßen, ds er sie die Wittib darumb gnugsam versichern, vnd Jnn ehe brieff vnd Sigel Aufgericht kain gelt Jnn handen geben werden solle.

Ratsprotokoll 1627 (Inv.Nr.27)

pag.37 Zinßtag den 2. Martij Ao: 1627.

Zwischen Herrn Hanß Grafen Burgermaistern vnd Jacob Rauchen Als vögt weiland Hannß Rothmeyers Sattlers see: Döchtern, verordneten Vögten, Contra Georg Rauchen beclagten, Ist der Jnn hohem gelt erlegten .100 fl. halben der beschaidt, das Georg Rauch schuldig Seie .50.fl mit gutem gelt zuerstatten, So er denn zu seinem Sohn Andreas Rauchen vil zusprechen soll Jme sein spruch vnd vorderung vorbehalten sein.